

產後編上卷目錄

產後總論

產前後方症宜忌

正產 催生

傷產 凍產

調產 熱產

橫產 斷臍

盤腸產 新產治法

難產 產後用藥十誤

死產

下胞

產後寒熱 胎前患傷寒疫症瘧疾墮胎等症

血塊

血暈

厥症

血崩

氣短似喘

妄言妄見

傷食

忿怒

類瘧

類傷寒二陽症

類傷寒三陰症

類中風

類瘧

出汗

盜汗

口渴兼小便不利

遺尿

產後編上 共四十三症

陽曲傅青主手著

汾陽田高峻校刊

產後總論

凡病起於血氣之衰脾胃之虛而產後尤甚是以丹溪先生論產後必大補氣血爲先雖有他症以未治之斯言盡治產之大旨若能擴充立方則治產可無過矣夫產後憂驚勞倦氣血暴虛諸症乘虛易入如有氣毋專耗散有食毋專消導熱不可用芩連寒不

可用桂附寒則血塊停滯熱則新血崩流至若中虛
外感見三陽表症之多似可汗也在產後而用麻黃
則重竭其陽見三陰裏症之多似可下也在產後而
用承氣則重亡陰血耳聾脇痛乃腎虛惡露之停休
用柴胡譫語出汗乃元弱似邪之症非同胃實厥由
陽氣之衰無分寒熱非大補不能回陽而起弱瘳因
陰血之虧不論剛柔非滋榮不能舒筋而活絡乍寒
乍熱發作無期症似瘧也若以瘧治遷延難愈言論

無倫神不守舍病似邪也若以邪治危亡可待去血
過多而大便燥結肉蓰蓉加於生化非潤腸承氣之
能通去汗過多而小便短澁六君子倍加參芪必生
津助液之可利加參生化湯類服救產後之危長生
活命丹屢用麩絕穀之人癩疝脫肛多是氣虛下陷
補中益氣之方口噤拳攣乃因血燥類風加參生化
之劑產戶入風而痛甚服宜羗活養榮湯玉門傷涼
而不閉洗宜蠶兒黃硫散怔忡驚悸生化湯加以定

志似邪恍惚安神丸助以歸脾因氣而悶滿虛煩生
化湯加木香爲佐因食而酸惡食六君子加神麩
麥芽爲良蘇木莪朮大能破血青皮枳壳最消滿脹
一應耗氣破血之劑汗吐宣下之法止可施諸壯實
豈宜用於胎產大抵新產後先門惡露如何塊痛未
除不可遽加參朮腹中痛止補中益氣無疑至若亡
陽脫汗氣虛喘促頻服加參生化湯是從權也又如
亡陰火熱血崩厥暈速煎生化原方是救急也王太

僕云治下補下治以急緩緩則道路達而力微急則氣味厚而力重故治產當遵丹溪而固本服法宜效太僕以頻加凡付生死之重寄須着意如極危欲求俯仰之無虧用存心於愛物此雖未盡產症之詳然所聞一症皆援近鄉治驗爲據亦未必無小補云

正產

正產者有腹或痛或止腰脇酸痛或勢急而胞未破名弄胎服八珍湯加香附自安有胞破數日而痛尙

傷產
緩亦服上藥俟之

傷產

傷產者胎未足月有所傷動或腹痛臍痛或服催生藥太早或產母努力太過逼兒錯路不能正產故臨月必舉動從容不可多睡飽食飲酒但覺腹中動轉卽正身仰卧待兒轉順與其臨時費力不如先時慎重

調產

調產者產母臨月擇穩婆辦器用備參藥產時不可
多人喧鬧二人扶身或憑物站心煩用滾水調白蜜
一匙獨活湯更妙或飢服米粥少許勿令飢渴有生
息未順者只說有雙胎或胎衣不下勿令產母驚恐

催生

催生者因坐草太早困倦難產用八珍湯稍佐以香
附乳香以助血氣胞衣早破癩血已乾亦用八珍湯

凍產

凍產者天寒血氣凝滯不能速生故衣裳宜厚產室宜煖背心下體尤要

熱產

熱產者暑月宜溫涼得宜若產室人眾熱氣蒸逼致頭痛面赤昏暈等症宜飲清水少許以解之然風雨陰涼亦當避之

橫產

橫產者兒居母腹頭上足下產時則頭向下產母若

用力逼之胎轉至半而橫當令產母安然仰卧令其
自順穩婆以中指挾其肩勿使臍帶羈絆用催生藥
努力卽生

當歸

紫蘇

各三錢

長流水煎服卽下

一方用好京墨磨服之卽下

一方用敗筆頭

一個

火煨以藕節自然汁調服卽下

一方用益母草六兩濃煎加童便一大杯調服卽下

盤腸產

盤腸產者產則子腸先出然後生子其腸或未即收以葶麻子四十九粒研碎塗頭上腸收急急洗去遲則有害又方止用四十粒去皮研為膏塗頂中收即拭之如腸燥以磨刀水潤之再用磁石煎湯服之須陰陽家用過有驗者

難產

難產者交骨不開不能生產也服加味芎歸湯良久

即下

小川芎

當歸各一兩

敗龜版一個婦人髮灰一握

須用生過男女者為末水一鍾煎七分服

死產

死產者子死腹中也驗母舌青黑其胎已死先用平胃散一服酒水各一鍾煎八分投朴硝煎服即下用童便亦好後用補劑調理

下胞

胞衣不下用滾酒送下失笑散一劑或益母丸或生

化湯送鹿角灰一錢或以產母髮入口作吐胞衣即
出有氣虛不能送出者腹必脹痛單用生化湯

全當歸

一兩

川芎

三錢

白朮

香附

各一錢

加人

參

三錢

更妙用水煎服

一方用草麻子二兩雄黃二錢研膏塗足下湧泉

穴衣下即速洗去

平胃散

南蒼朮

米泔水浸炒

厚樸

姜炒

陳皮

炙草

各二錢

共爲粗末或水煎或酒煎煎成時加朴硝二錢再煎一二沸溫服

失笑散

五靈脂 蒲黃 俱研爲細末每服三錢熱酒下

斷臍

斷臍必以綿裹咬斷爲妙如遇天寒或因難產母子勞倦宜以大麻油紙燃徐徐燒斷以助元氣雖兒已死令煖氣入臍多得生切勿以刀斷之

滑胎散

臨月常服數劑以便易生

當歸

三五錢

川芎

五七錢

杜仲

二錢

熟地

三錢

枳壳

七分

山藥

二錢

水

二鍾煎

八分

食前

温服

如

氣體虛弱人加人參白朮隨宜服之如便實多滯

者加牛膝二錢

治產秘驗良方

治橫生逆產至數日不下一服即下有未足月忽

然胎動一服即安或臨月先服一服保護無虞更

能治胎死腹中及小產傷胎無乳者一服即如原體

全當歸

川芎

各一錢五分

川貝母

一錢去心

荆芥穗

黃芪

各八分

厚樸

姜炒

蘄艾

紅花

各七分

兔絲子

一錢二分

白芍

一錢二分冬月不用

枳壳

六分炒

羌活

六分同上

甘草

上十三味只用十二味不可加減安胎去紅花催

生去蘄艾用井水鍾半姜

三片

為引熱服渣用水

一鍾煎半鍾熱服如不好再用水一鍾煎半鍾服

之即效不用二劑

催生兔腦丸 治橫生逆產神效

臘月兔腦髓 一個
母丁香 一個
乳香 一錢另研

麝香 一分
兔腦為丸
芡實大陰乾
蜜封用時以溫

酒送下一丸

奪命丹

臨產未產時目反口噤面黑唇青口中吐沫命在

須臾若臉面微紅子死母活急用蛇退 蚕故子

鮮灰不存性髮灰一錢乳香五分共爲細末酒下

加味芎歸湯

治子宮不收產門不閉

人參

當歸

各二錢

黃芪

川芎

各一錢

五味

十五粒

升麻

八分

炙草

四分

再不收加半夏

八

白芍

八分酒炒

新產治法

生化湯先連進二服若胎前素弱婦人見危症熱症墮胎不可拘貼數服至病退乃止若產時勞甚

血崩形脫卽加人參三四錢在內頻服無虞若氣
促亦加人參加參於生化湯者血塊無滯不可以
參爲補而勿用也有治產不用當歸者見偏之甚
此方處置萬全必無一失世以四物湯治產地黃
性寒滯血芍藥微酸無補伐傷生氣誤甚

產後用藥十誤

一因氣不舒而誤用耗氣順氣等藥反增飽悶陳
反用至五分禁枳寔厚朴

二因傷氣而誤用消導反損胃氣至絕穀禁枳壳
大黃蓬稜麩樸

三因身熱而誤用寒涼必致損胃增熱禁芩連梔
柏升柴

四因日內未曾服生化湯勿用參芪朮以致塊痛
不消

五毋用地黃以滯惡露

六毋用枳壳牛膝枳實以消塊

七便秘毋用大黃芒硝

八毋用蘇木稜蓬以行塊芍藥能伐氣不可用

九毋用山查湯以攻塊定痛而反損新血

十毋輕服濟坤丹以下胎下胞

產後危疾諸症當頻服生化湯隨症加減照依方

論

產後寒熱

凡新產後榮衛俱虛易發寒熱身痛腹痛決不可

妄投發散之劑當用生化湯爲主稍佐發散之藥
產後脾虛易於停食以致身熱世人見有身熱便
以爲外感遽然發汗速亡甚矣當於生化湯中加
扶脾消食之藥大抵產後先宜補血次補氣若偏
補氣而專用參芪非善也產後補虛用參芪芎歸
白朮陳皮炙艸熱輕則用茯苓淡滲之藥其熱自
除重則加乾薑或云大熱而用薑何也曰此熱非
有餘之熱乃陰虛內生熱耳蓋乾薑能入肺分利

肺氣又能入肝分引眾藥生血然必與陰血藥同
用之產後惡寒發熱腹痛者當主惡血若腹不痛
非惡血也

產後寒熱口眼歪邪此乃氣血虛甚以大補爲主
左手脈不足補血藥多於補氣藥右手脈不足補
氣藥多於補血藥切不可用小續命等發劑之藥
胎前患傷寒疫症瘧疾墮胎等症

胎前或患傷寒疫症瘧疾熱久必致墮胎隨後愈

增熱因熱消陰血而又繼產失血故也治者甚勿
妄論傷寒瘧疫未除誤投梔子豉湯柴芩連柏等
藥雖或往來潮熱大小便秘五苓承氣等藥斷不
可用只重產輕邪大補氣血類服生化湯如形脫
氣脫加生脈散以防血暈蓋川芎味辛能散乾姜
能除虛火雖有便秘煩渴等症只多服生化湯自
津液生而二便通矣若熱用寒劑愈虛中氣誤甚

產後諸症治法

血塊 第一

此症勿拘古方妄用蘇木蓬稜以輕人命其一應散
血方破血藥俱禁用雖山查性緩亦能害命不可擅
用惟生化湯係血塊聖藥也

生化湯原方

當歸

八錢

川芎

三錢

桃仁

十四粒去皮尖研

黑姜

五分

炙草

五分

用黃酒童便各半煎服

又益母丸鹿角灰就用生化湯送下一錢外用烘熱衣服煖和塊痛處雖大暑亦要和煖塊痛處有氣不運而暈迷厥切不可妄說惡血搶心只服生化湯爲妙俗有生地牛膝行血山稜蓬朮敗血山查沙糖消塊蘄艾椒酒定痛反致昏暈等症切不可妄用二三四日內覺痛減可揉乃虛痛也宜加參生化湯如七日內或因寒涼食物結塊痛甚者加入肉桂八分於生化湯內如血塊未消不可加參芪用之則痛

不止總之慎勿用峻利藥勿多飲姜椒艾酒頻服生
化湯行氣助血外用熱衣以煖腹如用紅花以行之
蘇木牛膝以攻之則誤其胎氣脹用烏藥香附以順
之枳壳厚朴以舒之甚有青皮枳實蘇子以下氣定
喘芩連梔子黃柏以退熱除煩至於血結更甚反用
承氣湯下之而愈結汗多小便短濇反用五苓散通
之而愈秘非徒無益而又害之也

凡兒生下或停血不下半月外尙痛或外加腫毒高

寸許或身熱減飲食倦甚必用生化湯加三稜蓬朮
肉桂等攻補兼治其塊自消如虛甚食少泄瀉只服
此帖定痛且健脾胃進食止瀉然後服消塊湯

加味生化湯

治血塊日久不消
半月後方可用之

川芎

一錢

當歸

三錢

肉姜

四分

桃仁

十五粒

三稜

六分

元胡

肉桂

各六分

炙草

四分

血暈

第二

分娩之後眼見黑花頭眩昏暈不省人事者一因勞

倦甚而氣竭神昏二因大脫血而氣欲絕三因痰火
乘虛泛上而神不守當急服生化湯二三帖外用葶
菜細切納有甯瓶中用滾醋二鍾沖入瓶內急沖於
產母鼻中卽醒若偏信古方認爲惡血搶心而輕用
散血之劑認爲痰火而用無補消降之方誤甚矣

如暈厥牙關緊閉速煎生化湯挖開口將鵝毛探喉
酒盞盛而灌之如灌下腹中漸溫煖不可拘帖數外
用熱手在單衣上從心揉按至腹常熱火煖之一二

時服生化湯四帖完卽神清始少緩藥方進粥服至
十服而安故犯此者連灌藥火煖不可棄而不救若
在冬月婦人身欠煖亦有大害臨產時必預煎生化
湯預燒秤錘硬石子候兒下地連服二三帖又產婦
枕邊行醋韭投醋瓶之法決無暈症又兒生時合家
不可喜子而慢母產母不可顧子而忘倦又不可產
訖卽卧或忿怒逆氣皆致血暈慎之慎之

加味生化湯

治產後三等血暈症

川芎 三錢 當歸 六錢 黑姜 四分 桃仁 十粒

炙草 五分 荆芥 四分炒黑 大棗水煎服

勞倦甚而暈及血崩氣脫而暈並宜速灌兩服如
形色脫或汗出而脫皆急服一帖即加人參三四
錢一加肉桂 四分 決不可疑參為補而緩服痰火乘

虛泛上而暈方內加橘紅四分虛甚加人參二錢
肥人多痰再加竹瀝七分姜汁少許總不可用稜
朮破血等方其血塊痛甚兼送益母丸或鹿角灰

或元胡散或獨勝散上消血塊方服一服即效不

必易方從權救急

加參生化湯 治產後形色脫
暈或汗多脫暈

人參 三錢有倍加
至五錢者 川芎 二錢 當歸 五錢 炙草 四分

桃仁 十粒 炮姜 四分 大棗水煎服

脈脫形脫將絕之症必服此方加參四五錢頻頻
灌之產後血崩血暈兼汗多宜服此方無汗不脫
只服本方不必加參左尺脈脫亦加參此方治產

後危急諸症可通用一晝一夜必須服三四帖若照常症服豈能接將絕之氣血扶危急之變症耶產後一二日血塊痛雖未止產婦氣血虛脫或暈或厥或汗多或形脫口氣漸涼煩渴不止或氣喘急無論塊痛從權用加參生化湯病勢稍退又當減參且服生化湯

加減法血塊痛甚加肉桂七分渴加麥冬一錢五味十粒汗多加麻黃根一錢如血塊不痛加炙黃

芡一錢以止汗傷飯食麩食加炒神麩一錢麥芽五分炒傷肉食加山查五個砂仁四錢炒

厥症 第三

婦人產有用力過多勞倦傷脾故逆冷而厥氣上胸滿脈去形脫非大補不可豈錢數川芎當歸能回陽復神乎必用加參生化湯倍參進二劑則氣血旺而神自生矣厥自止矣若服藥而反渴另有生脈散獨參代茶飲救臟之燥如四肢逆冷又泄痢類傷寒陰

症又難用四逆湯必用倍參生化湯加附子一片可

以回陽止逆又可以行參歸之力立二方於左分先

後

加參生化湯 治產後發厥塊痛未止不可加芪朮

川芎 人參 各二錢 炙草 五分 炮姜 四分

桃仁 十粒去皮尖研 當歸 四錢 棗水煎進二服

滋榮益氣復神湯 治產後發厥問塊痛已除可服此方

人參 當歸 各二錢 黃芪 蜜炙 白朮 土炒 川芎

熟地

麥芽

各一錢

炙草

陳皮

各四分

五味

十粒

棗一枚水煎服

手足冷加附子五分汗多加麻黃根一錢熟棗仁

一錢妄言妄見加益智柏子仁元肉大便實加肉

菴蓉二錢大抵產後暈厥二症相類但暈在臨盆

症急甚於厥宜頻服生化湯幾帖塊化血旺神清

暈止若多氣促形脫等症必加參芪厥在分娩之

後宜倍參生化湯止厥以復神並補氣血也非如

上偏補氣血而可愈也要知暈有塊痛甚亦不可
加厥症若無塊痛甚亦地黃並用無疑也

血崩 第四

產後血大來審血色之紅紫視形色之虛實如血紫
有塊乃嘗去其敗血也止留作痛不可論崩如鮮紅
之血乃是驚傷心不能生血怒傷肝不能藏血勞傷
脾不能統血俱不能歸經耳當以崩治先服生化湯
幾帖則行中自有補若形脫汗多氣促宜服倍參生

化湯幾帖以益氣非棕灰之可止者如產後半月外

崩又宜升舉大補湯治之此症虛極服藥平穩未見

速效須二十帖後諸症頓除

生血止崩湯 治產後血崩

川芎 一錢 當歸 四錢 黑姜 四分 炙草 五分

桃仁 十粒 荆芥 炒黑 烏梅 煨灰 蒲黃 炒各五分 棗水煎

忌姜椒熱物生冷

鮮紅血大來荆芥穗炒黑白芷各五分血竭形敗

凡止崩用
荆芥俱宜
炒黑

症係虛極

註中有身

熱不可加

連柏云云

後三頁復

神湯項下

註有宜用

此湯少佐

黃連墜火

云云設無

火可墜此

方內並無

熱藥無須

反佐恐黃

連未可輕

用此處最

加參三四錢汗多氣促亦加參三四錢無汗形不

脫氣促只服生化湯多服則血自平有言歸芎但

能活血甚誤

升舉大補湯

滋榮益氣如有塊動只服前方芪朮勿用

黃芪 白朮 陳皮 炙草 升麻 白芷 各四分

人參 當歸 熟地 各二錢 麥冬 川芎 各一錢

黃連 二分 荆芥穗 四分 炒黑

汗多加麻黃根一錢浮麥炒一小撮大便不通加

宜詳慎
又註申寒
嗽加有知
母既係寒
嗽知母亦
未可擅用
此條疑原
刊寒字有
誤

肉菘蓉一錢禁用大黃氣滯磨木香三分痰加貝
母六分竹瀝姜汁少許寒嗽加杏仁槲桔梗五分
知母一錢驚加棗仁柏子仁各一錢傷飯加神麩
麥芽各一錢傷肉食加山查砂仁各八分俱加棗
水煎身熱不可加連柏傷食怒氣均不可專用耗
散無補藥凡年老虛人患崩宜升舉大補湯
按症虛極註中有身熱不可加連柏云云後三頁
復神湯項下註有宜用此湯少佐黃連墜火云云

何言三集卷三
二十一
設無火可墜此方內並無熱藥無須反佐恐黃連
未可輕用此處最宜詳慎

又註中寒嗽加有知母既係寒嗽知母亦未可擅
用此條疑原刊寒字有誤

氣短似喘第五

因血脫勞甚氣無所恃呼吸止息違其常度有認爲
痰火反用散氣化痰之方誤人性命當以大補血爲
主如有塊不可用參芪朮無塊方可用本方去桃仁

加熟地並附子一片足冷加熟附子一錢及參朮陳

皮接續補氣養榮湯

加參生化湯

治分娩後即患氣短者有塊不可加葦朮

川芎二錢

當歸四錢

炙草五分

黑姜四分

人參三錢

桃仁十粒去皮尖研引

加棗一枚連進二三帖

後再用後方

補氣養榮湯

治產後氣短促血塊不痛宜服此方

黃芪白朮
一作各二

黃芪 白朮

各一錢

熟地

川芎

各二錢

凡止汗用
淨麥宜炒

當歸

四錢

人參

三錢

陳皮

炙草

黑姜

各四分

如手足冷加熟附子一錢汗多加麻黃根一錢淨
麥一小撮渴加麥冬一錢五味子十粒大便不通
加肉苳蓉一錢麻仁一撮傷麩飯加炒神麩一錢
炒麥芽一錢傷肉食加山查砂仁各五分

按麥芽有回乳之害用者慎之

妄言妄見

第六

由氣血虛神魂無依也治當論塊痛有無緩急若塊

痛未除先服生化湯二三帖痛止繼服加參生化湯
或補中益氣湯加安神定志丸調服之若產日久形
氣俱不足卽當大補氣血安神定志服至藥力充足
其病自愈勿謂邪祟若噴以法水驚之每至不救屢
治此症服藥至十數帖方效病虛似邪欲除其邪先
補其虛先調其氣次論諸病此古人治產後虛症及
年老虛喘弱人妄言所當用心也

安神生化湯

治產後塊痛未止妄言
安見症未可用芪朮

川芎 柏子仁 各一錢
人參 二錢
當歸 三錢

茯神 二錢
桃仁 十二粒
黑姜 炙草 各四分

益智 八分 炒
陳皮 三分
棗水煎

滋榮益氣復神湯 塊痛已止妄言妄見服此方即愈

黃芪 白朮 麥冬 川芎 柏子仁 茯神

益智 各一錢
人參 熟地 各二錢
陳皮 二分

炙草 四分
棗仁 十粒
五味子 十粒
蓮子 八枚

元肉 八個
棗水煎服

產後血崩血脫氣喘氣脫神脫妄言雖有血氣陰
陽之分其精散神去一也比暈後少緩亦微症也
若非厚藥頻服失之者多矣誤論氣實痰火者非
也新產有血塊痛並用加參生化湯行中有補斯
免滯血血暈之失也其塊痛止有宜用升舉大補
湯少佐黃連墜火以治血脫安血歸經也有宜用
倍參補中益氣湯少佐附子助參以治氣脫攝氣
歸淵也有宜用滋榮益氣復神湯少佐痰氣以清

心火安君主之官也

傷食 第七

新產後禁膏粱遠厚味如飲食不節必傷脾胃治當
扶元溫補氣血健脾胃審傷何物加以消導諸藥生
化湯加神麩麥芽以消麩食加山楂砂仁以消肉食
如寒冷之物加吳萸肉桂如產母虛甚加人參白朮
又有塊然後消補並治無有不安者屢見治者不重
產後之弱惟知速消傷物反損真氣益增滿悶可不

慎哉

加味生化湯

治血塊未消服此以消食

川芎二錢

當歸五錢

黑姜四分

炙草五分

桃仁十粒

問傷何物加法如前煎服

健脾消食生化湯

治血塊已除服此消食

川芎一錢

人參

當歸各二錢

白朮一錢半

炙草五分

審傷何物加法如前

如停寒物日久脾胃虛弱恐藥不能運用可用揉

何言三至集卷三
二四
按炒神麩熨之更妙凡傷食誤用消導藥反絕粥
幾日者宜服此方

長生活命丹

人參三錢水一鍾半煎半鍾先用參湯一盞以米
飯鍋焦研粉三匙漸漸加參湯鍋焦粉引開胃口
煎參湯用新礮或銅杓恐聞藥氣要嘔也如服寒
藥傷者加姜三大片煎湯人參名活命草鍋焦名
活命丹此方曾活數十人

忿怒 第八

產後怒氣逆胸膈不利血塊又痛宜用生化湯去桃
仁服時磨木香二分在內則塊化怒散不相悖也若
輕產重氣偏用木香烏藥枳殼砂仁之類則元氣反
損益增滿悶又加怒後卽食胃弱停悶當審何物治
法如前慎勿用木香枳榔丸流氣引子之方使虛弱
愈甚也

木香生化湯

治產後血塊已
除因受氣者

川芎 二錢 當歸 六錢 陳皮 三分 黑姜 四分 服時磨

木香二分在內此方減桃仁用木香陳皮前有減

乾姜者詳之

健脾化食散氣湯 治受氣傷食無塊痛者

白朮 當歸 人參 各二錢 川芎 一錢

黑姜 四分 陳皮 三錢

審傷何物加法如前大抵產後忿怒氣逆及停食

二症善治者重產而輕怒氣消食必以補氣血為

陳皮一作
三分又有
炙草四分
存參

先佐以調肝順氣則怒鬱散而元不損佐以健脾消導則停食行而思穀矣若耑理氣消食非徒無益而又害之

類瘧 第九

產後寒熱往來每日應期而發其症似瘧而不可作瘧治夫氣血虛而寒熱更作元氣虛而外邪或侵或嚴寒或極熱或晝輕夜重或日晡寒熱絕類瘧症治當滋榮益氣以退寒熱有汗急宜止或加麻黃根之

類只頭有汗而不及於足乃孤陽絕陰之危症當加
地黃當歸之類如陽明無惡寒頭痛無汗且與生化
湯加羌活防風連鬚葱白數根以散之其柴胡清肝
飲等方常山草菓等藥俱不可用

滋榮養氣扶正湯

治產後寒熱有汗
午後應期發者

人參 二錢

炙黃芪

白朮

川芎

熟地

麥冬

麻黃根

各一錢

當歸

三錢

陳皮

四分

炙草

五分

棗水煎

胎漏胎動

此症氣血兩不足之故方用

人參 山萸 山藥 茯苓 麥冬二錢 白朮

五錢

杜仲 枸杞 甘草一錢 熟地五錢 五

味子五分 歸身三錢 水煎服

此方不寒不熱安胎之聖藥也胎動為熱不動

為寒

子懸

此乃胎熱子不安身欲立起於胞中若懸起之象倘以氣盛治之立死矣方用

人參 茯苓 歸身 生地二錢 白朮 白芍

五錢 杜仲 黃芩一錢 熟地一兩 水煎服

此皆利腰膈之藥少加黃芩胎得寒而自定

白帶

產前無帶也有則難產之兆即幸而順生產後必有血暈之事方用黑豆三合水三碗煎湯二碗入白果

十箇紅棗十箇再煎一碗入

熟地一兩 山萸 山藥 薏仁四錢 茯苓三錢

澤瀉 丹皮二錢 加水二碗煎服

一劑止二劑永不白矣亦通治婦人白帶無不

神效

產婦氣喘腹痛

此症少陰受其寒邪而在內之真陽必逼越於上焦

上假熱而下真寒也方用平喘祛寒湯

人參 肉桂 二錢 麥冬 三錢 白朮 五錢 吳萸 一

錢一劑 喘定二劑 痛止必微涼頓服

產婦嘔吐下痢

此腎水泛溢因腎水之衰也急用補陽之藥大於補

陰之中引火歸源水自下行矣方用

熟地 白朮 茯苓 一兩 山萸 人參 五錢 附

子 車前子 一錢 肉桂 三分 水煎服

血崩方用

歸身一錢酒炒
生地一錢二分
蒲黃酒炒
地榆

二分酒洗

木通

丹皮

酒炒

三七根

香附

五

分童便浸

白朮

一錢

橘紅

七分

姜三片

酒一杯

一杯

水一杯煎九分空心服

產後大喘大汗

此乃邪入於陽明寒變爲熱故大喘大汗平人得此病當用白虎湯而產婦氣血大虛何可乎方用補虛

降火湯

麥冬一兩 人參 元參 五錢 桑葉 十四片 蘇子

五分 水煎服

此方以麥冬人參補氣元參降火桑葉止汗蘇子定喘助正而不攻邪邪退而不損正實有奇

功

產後亡陽發狂

大抵亡陽之症用藥汗止便有生機宜先止汗而後

定狂方用收汗湯

人參三兩 桑葉二十片 麥冬二兩 元參一兩 青

蒿五錢 水煎服

一劑汗止二劑狂定後故人參麥冬五味子當

歸川芎調理此方祇可救亡陽之急症一時權

宜之計二劑後必須改方

產門症方用

黃柏炒 螂蚓糞 白微 乳香炒去油 鉛粉

潮腦三錢 輕粉 冰片五分 兒茶二錢 射香三

傳言三全集卷三
牙共爲細末調勻擦瘡

此方治產門瘡最效亦通治諸瘡

打死胎

用細磁片爲細末或黃酒或溫水調下三錢卽

出

難產第一仙方

產婦臨產之時用黃表硃書

北斗紫英夫人在此八字貼於產室頂蓬之上無論

如何難產莫不立下少時如無效驗將貼取下貼於
產婦背奇效俟兒與胎衣下時立去帖同紙馬香燭
燒送帖除倘稍遲恐大腸隨下也慎之此乃仙傳奇
效如神願廣傳以救世人耳

人出而後利以妹出人也

人出而後利以妹出人也

人出而後利以妹出人也

人出而後利以妹出人也

產後編下卷四目錄

誤破尿胞

患淋

便數

瀉

完穀不化

痢

霍亂

何三全集
卷四
嘔逆不食

咳嗽

水腫

流注

膨脹

怔忡驚悸

骨蒸

心痛

腹痛

小腹痛

虛勞

遍身疼痛

腰痛

脇痛

陰痛

惡露

乳瘋

風甚

不語

補編

大便不通

雞爪風

浮腫

產後編下

陽曲傅青主手著

汾陽田嵩峻校刊

誤破尿胞 第十八

此破女科
下卷另有
方極妥且
效

產理不順穩婆不精誤破尿胞膀胱者用參芪為君
歸芎為臣桃仁陳皮茯苓為佐豬羊尿胞煎藥百服
乃安又方云用生黃絲絹一尺白牡丹皮根為末白
芫末各二錢水二碗煮至絹爛如飴服之宜靜卧不
可作聲名補脬飲神效

患淋 第十九

由產後虛弱熱客於脬中內虛頻數熱則小便淋澀

作痛曰淋

茅根湯

凡產後冷熱淋並治之

石膏

白茅根

各一兩

瞿麥

白茯苓

各五錢

葵子

人參

桃膠

滑石

各一錢

石首魚頭

四個

燈心水煎入齒末空心服

又方

治產後小便痛淋血

一本小註
載症山內
虛方用石
膏一兩無
此治法不
可拘執陳
方以致誤

一本石膏
作一錢無
滑石
一作各等
分

白茅根 瞿麥 葵子 車前子 通草以上俱無分量

鯉魚齒一百個 水煎服亦入齒末

按齒末疑均是鯉魚齒

便數第二十

由腴內素有冷氣因產發動冷氣入腴故也用赤石

脂二兩為末空心服

又方治小便數及遺尿用益智仁二十八枚為末米

飲送下二錢

又桑螵散

桑螵蛸 三十個 人參 黃芪 鹿茸 牡蠣

赤石脂 各二錢 爲末空心服二錢米飲送下

瀉 第二十一

產後瀉泄非雜症有食泄溼泄水穀注下之論大率
氣虛食積與溼也氣虛宜補食積宜消溼則宜燥然
惡露未淨遽難驟燥當先服生化湯二三帖化舊生
新加茯苓以利水道俟血生然後補氣以消食燥溼

以分利水道使無滯澁虛虛之失若產旬日外方論
雜症尤當論虛實而治也如痛下清水腹鳴米飲不
化者以寒泄治如糞水黃赤肛門作痛以熱泄治之
有因飲食過多傷脾成泄氣臭如敗卵以食積治之
又有脾氣久虛少食食下卽鳴急盡下所食之物方
覺快者以虛寒泄治之治法寒則溫之熱則清之脾
傷食積分利健脾兼消補虛善爲調治無失也產後
虛瀉眠昏人不識弱甚形脫危症必用人參一二錢白

北茯苓各二錢附子一錢方能回生若脉浮弦按之不鼓即為中寒此蓋陰先亡而陽欲去速宜大補氣血加附子黑姜以回元陽萬勿忽視

加減生化湯

治產後塊未消患瀉症

川芎 茯苓 各二錢 當歸 四錢 黑姜 炙草 各五分

桃仁 十粒 蓮子 八枚 水煎溫服

健脾利水生化湯

治產後塊已除患瀉症

川芎 一錢 茯苓 一錢 歸身 二錢 黑姜 四分

陳皮 炙草 各五分 人參 二錢 肉果 一個製

白朮 一錢土炒 澤泄 八分

寒瀉加乾姜八分寒痛加砂仁炮姜各八分熱瀉
加炒黃連八分瀉水腹痛米飲不化加砂仁八分
麥芽山查各一錢瀉有酸噯臭氣加神麩砂仁各
八分脾氣久虛瀉出所食物方快以虛寒論瀉水
者加蒼朮一錢以燥溼脾氣弱元氣虛必須大補
佐消食滯熱却寒藥弱甚形色脫必須第一方參

在言三卷之三
卷四
六
朮苓附必用之藥也諸瀉俱加升麻酒炒蓮子十粒

完穀不化

第二十二

因產後勞倦傷脾而運轉稽遲也名飧泄又飲食太過脾胃受傷亦然俗呼水穀痢是也然產方三日內塊未消化此脾胃衰弱參芪朮未可遽加且服生化湯加益智香砂少溫脾氣俟塊消後加參芪朮補氣肉果木香砂仁益智溫胃升麻柴胡清胃氣澤瀉扶

蒼陳皮以利水爲上策也

加味生化湯

治產後三日內完穀不化塊未消者

川芎

益智

各一錢

當歸

四錢

茯苓

一袋半

黑姜

炙草

各四分

桃仁

十粒

參苓生化湯

治產後三日內塊已消穀不化胎前素弱患此症者

川芎

茯苓

白芍

炒

益智

炒各一錢

黑姜

四分

炙草

五分

人參

白朮

各二錢土炒

肉果

一個製

當歸

二錢

瀉水多加澤瀉木通各八分腹痛加砂仁八分渴

一本當歸
作三錢有
棗一枚

本有逆
手八枚去
心棗三枚

加麥冬五味子寒瀉加黑姜一錢木香四分食積
加神麩麥芽消飯麩砂仁山查消肉食產後瀉痢
日久胃氣虛弱完穀不化宜溫助胃氣六君子湯
加木香四分肉果一個製

痢第二十三

產後七日內外患赤白痢裏急後重頻併最爲難治
欲調氣行血而推蕩痢邪猶患產後元氣虛弱欲滋
榮益氣而大補虛弱又助痢之邪惟生化湯減乾姜

數日
「本作十

而代以木香茯苓則善消惡露而兼治痢疾並行而
不相悖也再服香連丸以俟一二日後病勢如減可
保無虞若產七日外有患褐花色後重頻併虛痢卽
當加補無疑若產婦稟厚產期已經二十餘日宜服
生化湯加連芩厚樸芍藥行積之劑

加減生化湯

治產後七日內患痢

川芎 二錢

當歸 五錢

炙草 五分

桃仁 十二粒

茯苓 一錢

陳皮 四分

木香 磨二分

紅痢腹痛加砂仁八分

青血丸

治禁口痢

香連爲末加蓮肉粉各一兩半和勻爲丸酒送下
四錢

凡產三四日後塊散痢疾少減共十症開後依治
一產後久瀉

元氣下陷大便不禁肛門如脫宜服六君子湯
加木香四分肉果一個製姜汁五分

一產後瀉痢

色黃乃脾土真氣虛損宜服補中益氣湯加木

香肉果

三產後傷麩食

瀉痢宜服生化湯加神麩麥芽

四產後傷肉食

瀉痢宜服生化湯加山查砂仁

五產後胃氣虛弱

一本神麩
麥芽下有
各一錢

瀉痢完穀不化當溫助胃氣宜服六君子湯加
木香四分肉果一個製

六產後脾胃虛弱

四肢浮腫宜服六君子湯加五皮散

見後水腫

七產後瀉痢

無后重但久不止宜服六君子湯加木香肉果

八產後赤白痢

臍下痛當歸厚樸黃連肉果甘草桃仁川芎

九產後久痢

色白屬血虛宜四物湯加荆芥人參

十產後久痢

色赤屬氣虛宜六君子湯加木香肉果

霍亂 第二十四

由勞傷氣血臟腑空虛不能運化食物及感冷風所致陰陽升降不順清濁亂於脾胃冷熱不調邪正相搏上下爲霍亂

生化六和湯 治產後血塊痛
未除患霍亂

川芎 二錢 當歸 四錢 黑姜 炙草 陳皮

藿香 各四分 砂仁 六分 茯苓 一錢 姜 三片 煎服

附子散 治產後霍亂吐瀉手足
逆冷須無塊痛方可服

白朮 一錢 當歸 一錢 陳皮 黑姜 甘草

丁香 各四分 共為末 粥飲送下 二錢

溫中湯 治產後霍亂吐瀉不
止無塊痛者可服

人參 茯苓 各一錢 白朮 一錢半 當歸 一錢

一本有附
于五分

厚樸 八分 黑姜 四分 草豆蔻 六分

姜三片水煎服

嘔逆不食 第二十五

產後勞傷臍膈寒邪易乘於腸胃則氣逆嘔吐而不
下食也又有瘀血未淨而嘔者亦有痰氣入胃胃口
不清而嘔者當隨症調之

加減生化湯 治產婦嘔逆不食

川芎 一錢 當歸 三錢 黑姜 砂仁 藿香 各五分

淡竹葉 七片

水煎和姜汁二匙服

溫胃丁香散

治產後七日
外嘔逆不食

當歸 三錢

白朮 二錢

黑姜

丁香

各四分

人參 一錢

陳皮

炙草

前胡

藿香

各五分

姜三片水煎服

石蓮散

治產婦嘔吐
心冲目眩

石蓮子

去壳去心
一兩半

白茯苓

一兩

丁香

五分

共為細末米飲送下

一本有白

朮無白茯苓

荅丁香作

五錢用者

酌之

一本人參
一錢麥冬
茯苓三錢
有參

生津益液湯

治產婦虛弱口渴氣少由產後血少多汗內煩不生津液

人參

麥冬

去心

茯苓

各一兩

大棗

竹葉

浮小麥

炙草

括蕪根

大渴不止加蘆根

咳嗽

第二十六

治產後七日內外感風寒咳嗽鼻塞聲重惡寒勿用

麻黃以動汗嗽而脇痛勿用柴胡湯嗽而有聲痰少

面赤勿用涼藥凡產有火嗽有痰嗽必須調理半月

後方可用涼藥半月前不當用

知母一本
作四分

加味生化湯

治產後外感風寒
咳嗽及鼻塞聲重

川芎

一錢

當歸

二錢

杏仁

十粒

桔梗

四分

知母

八分

有痰加半夏麩虛弱有汗咳嗽加人參總之產後

不可發汗

加參安肺生化湯

治產後虛弱自目內外感風寒咳嗽聲重有痰或身熱頭痛及汗多

川芎

人參

知母

桑白皮

各一錢

當歸

二錢

杏仁

十粒去皮尖

甘草

桔梗

各四分

半夏

七分

橘紅

二分

虛人多痰加竹瀝一杯姜汁半匙

按咳嗽論中明示縱有火嗽在半月前猶不得輕用涼藥垂戒綦嚴而第一與第二方中均有知母小註均有外感風寒云云此必於既感之後將蘊而爲燦熱不得已而用之小註未及申明如謂不然苟初感卽用此涼品豈不與前論顯爲柄鑿讀者須會前人微意庶不致用古方而自少權衡耳

加味四物湯

治半月後乾嗽有聲痰少者

川芎

白芍

知母

瓜蒌仁

各一錢

生地

當歸

訶子

各二錢

冬花

六分

桔梗

甘草

兜鈴

各四分

生姜一大片

水腫

第二十七

產後水氣手足浮腫皮膚見光榮色乃脾虛不能制
水腎虛不能行水也必以大補氣血為先佐以蒼朮
白朮茯苓補脾壅滿用陳皮半夏香附消之虛人加
人參木通有熱加黃芩麥冬以清肺金健脾利水補
中益氣湯七日用人參白朮各二錢茯苓白芍各

一錢陳皮五分木瓜八分紫蘇木通大腹皮蒼朮厚
樸各四分大便不通加郁李仁麻仁各一錢如陰寒
邪溼氣傷脾無汗而腫宜姜皮半夏蘇葉加於補氣
方以表汗

五皮散

治產後風溼客傷脾經氣血凝滯以致面目浮虛四肢腫脹氣喘

五加皮 地骨皮 大腹皮 茯苓皮

姜皮

各一錢

棗一枚水煎服

又云產後惡露不淨停留胞絡致令浮腫若以水氣

治之投以甘遂等藥誤矣但服調經散則血行而腫消矣

調經散

沒藥

另研

琥珀

另研

肉桂

赤芍

當歸

各一錢

右為細末每服五分姜汁酒各少許調服

流注

第二十八

產後惡露流於腰臂足關節之處或漫腫或結塊久則腫起作痛肢體倦怠急宜用葱熨法以治外腫

此方能調經治腹痛

服參歸生化湯以消血滯無緩也未成者消已成者潰

葱熨法

用葱一握炙熱搗爛作餅敷痛處用厚布二三層以熨斗火熨之

參歸生化湯

川芎

黃芪

各一錢半

當歸

人參

各二錢

馬蹄香

一錢

肉桂

炙草

各五分

此症若不補氣血節飲食慎起居未有得生者如
腫起作痛起居飲食如常是病氣未深形氣未損
易治若漫腫微痛起居倦怠飲食不足最難治或
禾成膿未潰氣血虛也宜服八珍湯增寒惡寒陽
氣虛也宜服十全大補湯補後大熱陰血虛也宜
服四物湯加參朮丹皮嘔逆胃氣虛也宜服六君
子湯加炮姜乾姜食少體倦脾氣虛也宜服補中
益氣湯四肢冷逆小便頻數腎氣虛也補中益氣

湯加益智仁一錢神仙迴洞散治產後流注惡露
日久成腫用此宜導其膿若未補氣血旺不可服
此方

膨脹

第二十九

婦人素弱臨產又勞中氣不足胸膈不利而轉運稽
遲若產後卽服生化湯以消塊止痛又服加參生化
湯以健脾胃自無中滿之症其膨脹因傷食而誤消
因氣鬱而誤散多食冷物而停留惡露又因血虛大

便燥結誤下而愈脹殊不知氣血兩虛血塊消後當
大補氣血以補中虛治者若但知傷食宜消氣鬱宜
散惡露當攻便結可下則胃氣反損滿悶益增氣不
升降溼熱積久遂成膨脹豈知消導坐於補中則脾
胃強而所傷食氣消散助血兼行大便自通惡露自
行

如產後中風氣不足微滿誤服耗氣藥而脹者服補
中益氣湯

一本入參

白朮俱作

一錢當歸

作二錢自

芩一片

一本入參

白朮作二

錢

人參 當歸 白朮各五分 白茯苓 一錢 木香 二分

川芎 白芍 蘿葡子各四分

如傷食誤服消導藥成脹或脇下積塊宜服健脾湯

人參 白朮 當歸各二三錢 白茯苓 白芍

神麴 吳萸各一錢 大腹皮 陳皮各四分

砂仁 麥芽各五分

如大便不通誤服下藥成脹及腹中作痛宜服養榮

生化湯

當歸四錢 白芍 白茯苓 人參 菴蓉各一錢

陳皮 大腹皮 香附各五分 桃仁十粒 白朮二錢

塊痛將藥送四消丸屢誤下須用參歸半斤大便方

通膨脹方退凡誤用消食耗氣藥以致絕穀長生活

命丹屢效方見傷食條

怔忡驚悸第三十

由產憂驚勞倦去血過多則心中跳動不安謂之怔

忡若惕然震驚心中怯怯如人將捕之狀謂之驚悸

治此二症惟調和脾胃志定神清而病愈矣如分塊
後血塊未消宜服生化湯且補血行塊血旺則恆定
驚平不必加安神定志劑如塊消痛止後患此宜服
加減養榮湯

當歸

川芎

各二錢

茯神

人參

棗仁

炒

麥冬

遠志

白朮

黃芪

各一錢

元肉

八枚

陳皮

炙草

各四分

姜煎虛煩加竹瀝姜汁去川芎麥冬再加竹茹一

團加木香即歸脾湯

養心湯

治產後心血不定心神不安

炙黃芪

柏子仁

各一錢

人參

一錢半

麥冬

八錢

茯神

川芎

遠志

各八分

炙草

四分

當歸

一錢

五味

十粒

姜水煎服

骨蒸

第二十一

宜服保真湯先服清骨散

柴胡梅連湯

即清胃散作湯速效

一本有元
附六枚

柴胡 前胡 黃連 烏梅 去核

各二兩共爲末聽用再將猪脊骨一條猪苦胆一
個菘菜白十根各一寸同搗成泥入童便一酒盞
攪如稀糊入藥末再搗爲丸如菘豆大每服三四
十丸清湯送下如上膈熱多食後服此方凡男女
骨蒸皆可用之不專治產婦

保真湯

黃芪 川芎 各六分 人參 當歸 白朮 炒

一本無麥冬黃連

麥冬 白芍 枸杞 生地 知母 各一錢

黃連炒 黃柏炒 地骨皮 各六分 五味 十粒

炙草四分 天冬 一錢 棗三枚去核水煎服

加味大造湯 治骨蒸勞熱若服清骨散梅連丸不效服此方

人參 當歸 山藥 枸杞 各一兩 生地 二兩

麥冬 石斛各八分酒蒸 柴胡六錢 胡連五錢

黃柏炒七分

一本麥冬 石斛俱作 八錢柴胡 五錢黃柏 四分酒炒

先將麥冬地黃搗爛後入諸藥同搗為丸加葶紫

河車月搗焙乾爲末煉蜜丸

心痛 第三十二

此卽胃脘痛因胃脘在心之下勞傷風寒及食冷物而作痛俗呼爲心痛心可痛乎血不足則怔忡驚悸不安耳若真心痛手足青黑色旦夕死矣治當散胃中之寒氣消胃中之冷物必用生化湯佐消寒食之藥無有不安若綿綿而痛可按止之間無血塊則當論虛而加補也產後心痛腹痛二症相似因寒食與

氣上攻於心則心痛下攻於腹則腹痛均用生化湯
加肉桂吳萸等溫散之藥也

加味生化湯

川芎

一錢

當歸

三錢

黑姜

炙草

各五分

肉桂

吳萸

砂仁

各八分

傷寒食加肉桂吳萸傷麵食加神麩麥芽傷肉食

加山查砂仁大便不通加肉菔菹

腹痛 第三十三

先問有塊無塊塊痛只服生化湯調失笑散二錢加元胡一錢無塊則是遇風冷作痛宜服加減生化湯

川芎

一錢

當歸

四錢

黑姜

炙草

各四分

防風

桂枝

各七分

吳萸

六分

白朮

五分

痛止去之隨傷食物所加如前

小腹痛 第三十四

產後虛中感寒飲冷其寒下攻小腹作痛又有血塊
作痛者又產後血虛臍下痛者並治之以加減生化
湯

川芎 一錢 當歸 三錢 黑姜 炙草 各四分 桃仁 十粒

有塊痛者本方中送前胡散亦治寒痛若無塊但
小腹痛亦可按而少止者屬血虛加熟地三錢前
胡肉桂各一錢為末名前胡散

虛勞 第三十五

指節冷痛頭汗不止

人參 當歸 各三錢
黃芪 一錢
淡豆豉 十粒

生姜 三片
萆白 十寸
豬腎 二個

先將豬腎煮熟取汁煎藥八分温服

遍身疼痛 第三十六

產後百節開張血脉流散氣弱則經絡間血多阻滯

累日不散則筋牽脉引骨節不利故腰背不能轉側

一本有或
用猪胃一
個先將胃
略煮後再
煎湯煮藥

一本無桑寄生

手足不能動履或身熱頭痛若誤作傷寒發表出汗則經脉動蕩手足發冷變症出焉宜服起痛散

當歸

桑寄生

各一錢

甘草

黃芪

白朮

獨活

肉桂

牛膝

各八分

薤白

五根

姜三片水煎服

腰痛

第三十七

由女人腎位繫胞腰為腎腑產後勞傷腎氣損動胞絡或虛未復而風乘之也

養榮壯腎湯

治產後感風寒腰痛不可轉

當歸

二錢

防風

四分

獨活

桂心

杜仲

一本有川芎八分

續斷

桑寄生

各八分

生姜三片水煎服兩帖後痛未止屬腎虛加熟地

三錢

加味大造丸

治產後日久氣血兩虛腰痛腎弱方見骨蒸條

青蛾丸

胡桃

十二個

破故紙

八兩酒浸炒

杜仲

一斤姜汁炒去絲

胡桃一本作二十個

傳言三三集
卷四
二二三
爲細末煉蜜丸淡醋湯送六十九

脇痛 第三十八

乃肝經血虛氣滯之故氣滯用四君子湯加青皮柴
胡血虛用四物湯加柴胡人參白朮若概用香燥之
藥則反傷清和之氣無所生矣

補肺散 治脇痛

山萸 當歸 五味 山藥 黃芪 川芎

熟地 木瓜 白朮 獨活 棗仁 各等分 水煎服

一本山萸
二錢當歸
二錢五味
十粒黃芪

八分川芎
六分熟地
錢半木瓜
白朮各
錢獨活八
分棗仁一
錢姜一片
無山藥存
黍

陰痛 第三十九

產後起居太早產門感風作痛衣被難近身體宜用

祛風定痛湯

川芎 茯苓 各一錢
當歸 三錢
獨活 防風

肉桂 荆芥 炒黑各五分
地黃 二錢

棗二枚煎服

又附陰瘡陰蝕陰中瘡日置瘡或痛或癢如蟲行狀
濃汁淋漓陰蝕幾盡者由心腎煩鬱胃氣虛弱致氣

傳言三至集 卷四 二四
血流滯經云諸瘡痛癢皆屬於心治當補心養腎外
以藥薰洗宜用十全陰疳散

川芎 當歸 白芍 地榆 甘草 各等分

水五碗煎一碗去渣薰日三夜四先薰後洗

一方用蒲黃一升水銀二兩二味調勻搽

一方用蝦蟆兔糞等分爲末敷瘡

一方治疔蟲食下部及五臟取東南桃枝輕打頭散

以綿纏之

一方用石硫黃末將縛桃枝蘸而燃煙薰之按此條宜與上看

條合看

一方截一短竹筒先納陰中以桃枝燒煙薰之

惡露第四十

卽係裏兒汚血產時惡露隨下則腹不痛而產自安若腹欠溫煖或傷冷物以致惡露凝塊日久不散則虛症百出或身熱骨蒸食少羸瘦或五心煩熱月水不行其塊在兩脇動則雷鳴嘈雜暈眩發熱似瘧時

作時止如此數症治者欲洩其邪先補其虛必用補
中益氣湯送三消丸則元氣不損惡露可消
加味補中益氣湯

人參 黃芪炙 白芍各一錢 廣皮 甘草各四分

白朮二錢 當歸三錢 姜棗煎服

三消丸 治婦人死血食積痰三等症

黃連 一兩一半用吳萸煎汁去渣浸炒 一半用益智仁炒去益智仁不用

萊菔子一兩五錢 川芎五錢 桃仁十粒 山梔小炒

此方治產後傷食惡露不盡若初產惡露

不
下
宜
服
生
化
湯
加
查
炭
三
錢
每
日
一
帖
連
服
四
劑
妙

青皮 三稜 莪朮 山查
各五錢俱用醋炒
一兩

香附 一兩童便浸炒

右為末蒸餅為丸食遠服用補中益氣湯送下五
六十九或用白朮三錢陳皮五錢水一鍾煎五分
送下亦可

乳瘋 第四十一

乳頭屬足厥陰肝經乳房屬足陽明胃經若乳房癰
腫結核色紅數日外腫痛潰稠膿盡而愈此屬膽

胃熱毒氣血壅滯名曰乳癰易治若初起內結小核
不紅不腫不痛積之歲月漸大如巉巖山破如熟榴
難治治法痛腫寒熱宜發表散邪痛甚宜疏肝清胃
膿成不潰用托裏肌肉不生膿水清稀宜補脾胃膿
出及潰惡寒發熱宜補血氣飲食不進或作嘔吐宜
補胃氣乳岩初起用益氣養榮湯加歸脾湯間可內
消若用行氣補血之劑速亡甚矣

瓜瓞散

治一切癰疽並治乳癰癰者六腑不和之氣陽滯於陰則生之

瓜蒌一個 連皮搗爛 生甘草 青皮 乳香 灯心炒

沒藥 灯心炒 各五分 當歸 金銀花 各三錢 白芷 一錢

水煎温服

回脈散 乳癰未潰時服此毒從大便出虛人不用

大黃 三錢半 乳香 木香 沒藥 各五分

白芷 八分 穿山甲 五分蛤粉拌炒

共為末人參二錢煎湯調末藥服

一本人參 西味各二錢

一本大黃 作三錢有 人參三錢

十全大補湯 黃芪 熟地 人參 白朮 各三錢

身毒三全集 卷四 乳瘋 二二

茯苓 川芎 各八分 甘草 五分 金銀花 二錢

瀉加黃連肉果渴加麥冬五味寒熱往來用馬蹄

香搗散凡乳癰服薏苡仁粥好

又方用烏藥軟白香辣者五錢研水一碗牛皮膠

一片同煎七分溫服如孕婦腹內癰此二方可通

用 又有乳吹乃小兒飲乳口氣所吹乳汁不通

壅結作痛不急治則成癰宜速服瓜蒌散更以手

揉散之

風甚 第四十二

用山羊血取色新者於新瓦上焙乾研末老酒沖下
五六分爲度重者用至八分其效如神

又用抱不出壳雞子瓦上焙乾酒調服

如治虛寒危症用藍鬚子根刮皮新瓦上焙乾研末
溫服一錢爲度雖危可保萬全

不語 第四十三

乃惡血停蓄於心故心氣閉塞舌強不語用七珍散

人參 石菖蒲 川芎 生地 各一兩

辰砂 研五分 防風 五錢 細辛 一錢

共爲細末用薄荷湯下一錢因痰氣鬱結閉口不語者好明礬一錢水飛過沸湯送下

一方治產後不語

人參 石蓮子 去心 石菖蒲 各等分 水煎服

婦人良方云產後痞心腎虛不能發聲七珍散脾氣鬱結歸脾湯脾傷食少四君子湯氣血俱虛八珍湯

不應獨參湯更不宜急加附子蓋補其血以生血若
單用佛手散等破血藥誤矣

產後編終

傳言三金
二二
補集

產後大便不通用生化湯內減黑姜加麻仁脹滿加
陳皮血塊痛加肉桂元胡如燥結十日以上肛門必
有燥糞用蜜棗導之

煉蜜棗法

用好蜜二三兩火煉滾至茶褐色先用溼桌傾蜜
在桌上用手作如棗樣插肛門待欲大便去蜜棗
方便

又方用麻油口含竹管入肛門內吹油四五口腹內
糞和即通或猪胆亦可

治產後雞爪風

桑柴灰 三錢存性
魚膠 三錢炒
手指甲 十一個炒

共為末黃酒送下取汗即愈

保產無憂散

當歸 酒洗
川芎 各錢半
芥穗 炒黑
炙黃芪 各八分

艾葉 炒
厚樸 姜炒
枳殼 六分炒
兔絲子 一錢四分酒炒

羌活

甘草

各五分

川貝母

一錢
去心

白芍

錢二分
酒炒

姜三片温服

右方保胎每月三五服臨產熱服催生如神

治遍體浮腫是脾虛水溢之過凡浮腫者可通用俱

神效

真縮砂仁

四兩

萊菔子

二兩四錢

研末水浸濃取

汁浸砂仁候汁盡晒乾研極細末每服一錢漸加

至二錢爲度淡姜湯送下

保產神效方

未產能安臨產能催偶傷胎氣腰疼腹痛甚至見紅不止勢欲小產危急之際一服即愈再服全安臨產時交骨不開橫生逆下或子死腹中命在垂危服之奇效

全歸

酒洗

真川芎

兔絲子

酒泡各一錢五分

紫厚樸

姜汁炒七分

川貝母

二錢去心淨煎好方和人

枳壳

麩炒

川羌活

各六分

荆芥穗

黃芪

各八分蜜炙

炙草

蘄艾

各五分 醋炒

白芍

一錢二分 酒炒 冬用二錢

生姜三片 水二鍾煎八分 渣水一鍾煎六分 產前

空心預服二劑 臨產隨時熱服

此乃仙傳奇方 慎勿以庸醫輕加減其分兩

按保產無憂散保產神效方與編首治產秘驗良方俱相同特引論畧別並存叅看可也

產後編補集卷四終

省湘助板資芳名開後

德義堂

助錢拾千文

陳斗南

助錢拾千文

王秀山

助錢拾千文

志成信

助錢拾千文

題選堂

助錢拾千文

致遠堂

助錢拾千文

冀敬軒堂

助洋陸元錢拾千文

天成亭

助洋陸元

協同慶

蔚泰厚

助洋肆元錢拾千文

新泰厚

助洋肆元錢拾千文

蔚豐厚

助洋肆元

日昇昌

助洋兩元錢肆千文

蔚盛長

助洋兩元錢拾千文

協和信

助錢柒千文

滙源湧

助錢柒千文

百川通

助洋兩元

四達堂

板錢捌拾柒千文

捐助板資芳名開後

德義堂

陳斗南
王秀山

志成信

遜遜堂

致遠堂

蔚泰厚

冀敬軒堂

各助錢拾千文

蔚盛長

新泰厚

天成亨